



PRAVILNIK O IZBORIMA I MANDATIMA ISLAMSKE ZAJEDNICE BOŠNJAKA SJEVERNE AMERIKE

AMANDMANI

Amandman I - Član 10 Maj 2024 g.

Amandman II - Član 3 April 2025 g.

UVODNE ODREDBE

Član 1.

Ovim Pravilnikom se utvrđuju način izbora na funkcije u Islamskoj Zajednici Bošnjaka Sjeverne Amerike na svim nivoima i mandati članova organa Islamske zajednice Bošnjaka Sjeverne Amerike (u daljem tekstu - IZBSA).

DŽEMATSKI ODBOR

Član 2.

Aktivno i pasivno biračko pravo izbora u džematski odbor ima svaki pripadnik džemata koji ispunjava uvjete predviđene pravilnikom o radu džemata.

Član 3.

Mandat članova džematskog odbora je četiri godine sa mogućnošću ponovnog izbora.

AMANDMAN II

Ovim amandmanom U Član 3 dodaje se skupstinska odluka donesena 04/12/2025 koja glasi:

Ako broj članova džematskog odbora padne ispod pravilnikom propisanog minimalnog broja, pokreće se postupak održavanja vanrednih (prijevremenih) izbora radi popunjavanja upražnjenih mjesta.

Vanredne izbore raspisuje Odbor džemata u roku od najviše 30 dana od dana nastupanja smanjenog broja članova.

Vanredni izbori provode se prema istim pravilima, procedurama i standardima kao i redovni izbori, osim ako ovim pravilnikom nije drugačije određeno.

Mandat novoizabranih članova traje do isteka tekućeg mandata postojećeg saziva odbora.



SKUPŠTINA MEDŽLISA

Član 4.

Delegate skupštine medžlisa bira skupština džemata.

Glavni imam medžlisa i imami su dlegati skupštine medžlisa po položaju. Ostali delegati skupštine medžlisa (ako to kriteriji dozvoljavaju) biraju se na osnovu broja članova džemata po sljedećem kriteriju:

1. Džemati do 200 (dvije stotine) članova delegiraju jednog delegate u skupštinu medžlisa
2. Džemati koji imaju između 200 (dvije stotine) i 300 (tri stotine) članova delegiraju dva delegate u skupštinu medžlisa
3. Džemati preko 300 (tri stotine) članova delegiraju tri delegata u skupštinu medžlisa.

Član 5.

Glavni imam medžlisa predsjedava skupštinom medžlisa po položaju. Mandat glavnog imama medžlisa traje sve dok obnaša navedenu dužnost.

Mandat imama u skupštini medžlisa traje sve dok obnašaju navedenu dužnost. Mandat delegata skupštine medžlisa iz reda džematlija traje četiri godine, sa pravom ponovnog izbora. Delegat skupštine medžlisa iz reda džematlija koji je obnašao tu dužnost može ponovo biti kandidovan.

IZVRŠNI ODBOR ISLAMSKJE ZAJEDNICE BOŠNJAKA SJEVERNE AMERIKE

Član 7.

Muftija i glavni imami medžlisa su članovi Izvršnog odbora po položaju. Skupština medžlisa kandiduje jednog člana izvršnog odbora iz reda džematlija ispred datog medžlisa. Skupština Medžlisa III bira člana IO iz reda džematlija sa prostora Kanade. Skupština IZBSA bira i potvrđuje kandidaturu na skupštini.

Član 8.

Mandat muftije traje sve dok obnaša dužnost muftije.

Mandat članova izvršnog odbora iz reda glavnih imama medžlisa traje sve dok obnašaju



dužnost glavnog imama medžlisa.

Mandat članova izvršnog odbora iz reda džematlija traje četiri godine, sa pravom ponovnog izbora.

Član izvršnog odbora iz reda džematlija koji je obnašao tu dužnost može ponovo biti kandidiran.

SKUPŠTINA ISLAMSKJE ZAJEDNICE BOŠNJAKA SJEVERNE AMERIKE

Član 9.

Izbor za članstvo u skupštini IZBSA se vrši na džematskim skupštinama. Svaki džemat bira svoje delegate skupštine po sljedećem kriteriju:

1. Džemati do 200 (dvije stotine) članova delegiraju jednog delegata u skupštinu.
2. Džemati koji imaju između 200 (dvije stotine) i 300 (tri stotine) članova delegiraju dva delegata u skupštinu
3. Džemati preko 300 (tri stotine) članova delegiraju tri delegata u skupštinu.

Član 10

Mandat delegata skupštine traje četiri godine, sa mogućnošću ponovnog izbora. Ako je (jedan od) delegat(a) skupštine ispred određenog džemata inače imam tog džemata, može biti delegat skupštine sve dok obnaša dužnost imama u tom džematu.

AMANDMAN I

Ovim amandmanom U Član 10 dodaje se skupštinska odluka donesena 05/04/2024 koja glasi:

Zamjena džematskog delegata u skupštini Medžlisa i Skupštini IZ kao i člana džematskog odbora se može izvršiti u jednom od četir slučaja:

1. Smrti delegata
2. Preseljenja izvan granica džemata
3. Isčlanjenja iz džemata
4. Podnošenja ostavke

U slučaju članova džematskog odbora, i zbog isključenja iz džematskog odbora. Zamjena se vrši sa osobama koje su imale najveći broj glasova po informacijama izborne komisije.

Član 11.



Izbor u sve organe IZBSA se obavlja pismenim glasanjem, tajno. Članovi izborne komisije trebaju obavljati svoju obavezu nepristrasno, u povjerenju, u svojim najboljim mogućnostima, ekspeditivno i praktično. Odluka, akt ili potvrda većine članova izborne komisije je pravosnažna u svim aspektima kao odluka, akt ili potvrda svih članova.

Izbornu komisiju formira džematski odbor. Komisija ima 3-5 članova, sa maksimalno jednim članom komisije iz džematskog odbora. Izborna komisija sprovodi izbore za džematski odbor, skupštinu medžlisa i Skupštinu Islamske zajednice Bošnjaka Sjeverne Amerike. Izabrani su kandidati koji imaju najviše glasova.

PRAVOSNAŽNOST, IZMJENE I DOPUNE

Član 12.

Ovaj Pravilnik stupa na snagu danom donošenja. Amandmani na ovaj Pravilnik mogu se donositi samo na Skupštini IZBSA.

IZBSA

1444 N Str NW, Washington, DC, 20005

12. april 2025. g./14. Shawwal 1446. h.g.

Nihad Poljaković

Moderator Skupštine

Islamske Zajednice Bošnjaka Sjeverne Amerike